

摘藻堂四庫全書薈要

集部

欽定四庫全書薈要


集部

御定歷代題畫詩類卷一

詳校官原任主事臣李斯咏

欽定四庫全書薈要

御製歷代題畫詩類序

粵攷有虞氏施采作繪而繪事以起周禮冬官爰有設

工典畫績之職傳所稱火龍黼黻昭其文三辰旂

旗昭其明者是也至漢世圖寫功臣用示褒異則又人
物之肖象粲然著見於史冊者矣嗣是工繪事者日衆
自天文地輿鳥獸草木以及宮室器用與一切登臨遊
覽之勝皆假圖畫以傳於世晉宋而後莫盛於唐五代

迄宋作者輩出金元明間亦代有聞人方其詣精入理
足以體陰陽含飛動為稽古博物者之所取證不僅以
丹青擅長而已而能摯抉其義蘊發摠其旨趣者則尤
藉有題畫之詩歷代各體題咏以萬計散置諸集無所
統紀翰林陳邦彥裒彙鈔得八千九百餘首分為三
十類編次一百有二十卷繕本呈覽朕嘉其用意之勤
命授工鋟梓茲刊成裝潢來上萬幾餘暇時一披閱凡
兩間之名象庶類之禁錯無不該載於中且不踰几席

而得流觀山川險易之形近在目前而可考鏡往代留
遺之蹟以至農耕蠶織悉具陳鷄犬桑麻宛然如覩
庶幾於昔人豳風無逸之圖有互相發明者焉夫圖繪
藝事也而近於道題畫詩之一類也而通於治杜甫詩
謂繪事功殊絕幽襟興激昂讀是編者可以觸類而知
所務矣爰製序題於卷端以識始末云康熙四十六年
四月十六日

欽定四庫全書



御製序

卷一百一十五

凡例

一畫家山水人物各有專家而布置設色又各不同
天文地理名勝古蹟皆山水類也故賢古像寫真
閒適行旅羽獵仕女仙佛神鬼漁樵耕織牧養以
及飛潛動植之屬皆人物類也然寫山水者或倩
人物點綴寫人物者或依山水結構一家之畫各
景俱備但畫者以所重命名則從其所重以歸類
如天文之雲霞雨雪日月星辰本難憑虛設造勢

必附麗山水成景惟唐人觀慶雲圖詩專屬天文
故首列天文部以冠此書其他以山水摹繪天文
者俱附入焉至他部重在人物即有風雲雪月等
景亦不攔入

一輿圖廣遠地理盡之尺幅之中該括數千里凡具
山海形勢之大觀者則為地理類若憑空寫意或
作重巒疊嶂或作遠岫平林隨意點染不指名為
何山何水者則為山水類至山水中名勝之區如

泰華嵩衡洞庭瀟湘之類摹景繪圖者別為名勝
類其名勝中地以人傳繪其遺蹟如桃源赤壁蘭
亭釣臺等圖則又別為古蹟類

一 人物名家往往有摹古人記傳所載之事者則為
故實類至其圖古人之像流傳人間者則為古像
類若就當時之人寫當時之像傳神阿堵則又列
寫真類他如仙佛神鬼之奇譎仕女之婉孌畫雖
一家又各為其類以便檢閱

一古今畫譜多寓人物於山水之中即景成圖不必

實有其人實有其事如山林高隱翫物適情則曰
閒適如道路馳驅遠帆野渡則曰行旅如霜原草
塞獵騎飛塵則曰羽獵至漁樵耕織牧養似與閒
適相符然各為一業則各以類相從他若人世應
酬之事朝賀燕享繪圖記盛者則別為人事一類
一樹石亦從山水分出但畫山水者樹無定名而樹
石則以一木一石見奇故別為一類蘭竹本屬專

家或有兼寫者今集畫蘭畫竹詩為一類至花鳥
草蟲寫生點染其法本出一家今但就詩題區別
其專題花卉者則入花卉類專題羽族者則入禽
類其兼題花鳥者則入花鳥合景至禾麥蔬果固
屬食品亦花卉家餘事別為一類附花卉後其草
蟲一類則與花鳥合景相麗焉

一自古名家代有以畫馬擅場者故獸類中惟題畫
馬詩為最多其毛宗民畜別為二類至水族畫龍

亦多名筆為鱗介類其魚蝦蚌蛤之屬俱附入焉
一界畫家樓臺宮殿著色工緻雖兼寫山水人物然
各有定式今除蘭亭釣臺黃鶴樓滕王閣等已入
古蹟凡宮殿樓臺以及亭軒館閣茅屋山莊俱入
宮室類器用類即附于後

一題畫詩類一百二十卷各以類從共分二十九類
其雜題一類則詩無專屬或義取賞鑒或意在應
酬故別為一類

一凡一類之中復有以詩題為類者如天文則雲雨
陰晴各異地理則東西南北區分故實古像各以
時序先後蘭竹龍馬勿使間出雜見若同類之詩
畫題雜出則又取其相類者以為類如山水之或
從其格或從其景或從其時或從其作畫之人以
分別卷帙樹石花卉禽獸皆照此例

欽定四庫全書

卷之四
凡例

欽定四庫全書薈要

御定歷代題畫詩類總目

卷一

天文類

詩八十八首

卷二

天文類

詩八十八首

卷三

地理類

詩五十七首

卷四

地理類

詩四十二首

卷五

地理類

詩五十七首

卷六

地理類

詩七十五首

卷七

山水類

詩一百四首

卷八

山水類

詩五十八首

卷九

山水類

詩七十六首

卷十

山水類

詩五十七首

卷十一

山水類

詩七十九首

卷十二

山水類

詩九十七首

卷十三

山水類

詩七十二首

卷十四

山水類

詩八十首

卷十五

山水類

詩一百二首

卷十六

山水類

詩八十四首

卷十七

山水類

詩六十五首

卷十八

山水類

詩六十六首

卷十九

山水類

詩四十七首

卷二十

山水類

詩四十六首

卷二十一

山水類

詩六十七首

卷二十二

山水類

詩六十二首

卷二十三

山水類

詩一百十四首

卷二十四 山水類

詩一百五首

卷二十五 山水類

詩一百二十六首

卷二十六 山水類

詩一百三十四首

卷二十七 名勝類

詩四十七首

卷二十八

名勝類

詩八十首

卷二十九

名勝類

詩八十一首

卷三十

名勝類

詩五十二首

卷三十一

古蹟類

詩五十五首

卷三十二

古蹟類

詩六十八首

卷三十三

故實類

詩八十九首

卷三十四

故實類

詩六十五首

卷三十五

故實類

詩六十七首

卷三十六

故實類

詩六十八首

卷三十七

故實類

詩八十七首

卷三十八

故實類

詩四十二首

卷三十九

故實類

詩六十五首

卷四十

故實類

詩一百七首

卷四十一

故實類

詩八十首

卷四十二

故實類

詩六十三首

卷四十三

故實類

詩七十三首

卷四十四 故實類

詩五十六首

卷四十五 閒適類

詩七十九首

卷四十六 閒適類

詩六十四首

卷四十七 閒適類

詩六十二首

卷四十八

閒適類

詩七十七首

卷四十九

閒適類

詩七十一首

卷五十

閒適類

詩六十六首

卷五十一

閒適類

詩五十九首

卷五十二

閒適類

詩一百九首

卷五十三

古像類

詩一百五首

卷五十四

寫真類

詩一百二十七首

卷五十五

行旅類

詩七十一首

卷五十六

行旅類

詩七十七首

卷五十七

羽獵類

詩六十二首

卷五十八

仕女類

詩八十六首

卷五十九

仕女類

詩八十三首

卷六十

仕女類

詩九十九首

卷六十一

仙佛類

詩七十八首

卷六十二

仙佛類

詩五十五首

卷六十三

仙佛類

詩四十七首

卷六十四

仙佛類

詩五十二首

卷六十五

仙佛類

詩八十一首

卷六十六

神鬼類

詩三十四首

卷六十七

漁樵類

詩六十九首

卷六十八

漁樵類

詩九十首

卷六十九

耕織類

詩七十二首

卷七十

牧養類

詩七十六首

卷七十一

樹石類

詩六十四首

卷七十二

樹石類

詩六十六首

卷七十三

樹石類

詩六十七首

卷七十四

樹石類

詩七十四首

卷七十五

蘭竹類

詩一百三十三首

卷七十六

蘭竹類

詩一百十六首

卷七十七

蘭竹類

詩一百三十二首

卷七十八

蘭竹類

詩六十首

卷七十九

蘭竹類

詩七十七首

卷八十

蘭竹類

詩六十七首

卷八十一

蘭竹類

詩八十三首

卷八十二

蘭竹類

詩一百首

卷八十三

花卉類

詩九十六首

卷八十四

花卉類

詩六十四首

卷八十五

花卉類

詩八十一首

卷八十六

花卉類

詩七十九首

卷八十七

花卉類

詩一百八首

卷八十八

花卉類

詩一百五首

卷八十九

花卉類

詩八十一首

卷九十

花卉類

詩九十三首

卷九十一

禾麥蔬果

詩八十一首

卷九十二

禾麥蔬果

詩六十六首

卷九十三

禽類

詩五十七首

卷九十四

禽類

詩五十七首

卷九十五

禽類

詩七十二首

卷九十六

禽類

詩五十三首

卷九十七

禽類

詩八十四首

卷九十八

禽類

詩七十七首

卷九十九

禽類

詩七十四首

卷一百

獸類

詩六十八首

卷一百一

獸類

詩七十首

卷一百二

獸類

詩六十七首

卷一百三

獸類

詩六十九首

卷一百四

獸類

詩四十六首

卷一百五

獸類

詩五十九首

卷一百六

獸類

詩七十七首

卷一百七

獸類

詩七十八首

卷一百八

鱗介類

詩五十一首

卷一百九

鱗介類

詩五十四首

卷一百十

花鳥合景

詩七十六首

卷一百十一

花鳥合景

詩八十七首

卷一百十二 草蟲類

詩七十首

卷一百十三 宮室類

詩七十四首

卷一百十四 宮室類

詩六十一首

卷一百十五 宮室類

詩九十首

卷一百十六 器用類

詩四十五首

卷一百十七 人事類

詩五十四首

卷一百十八 人事類

詩五十七首

卷一百十九 雜題類

詩四十二首

卷一百二十 雜題類

詩六十八首

臣等謹案歷代題畫詩類一百二十卷康熙四十六年

御定編修臣陳邦彥編校自天文地理至人事雜題為三十類一類之中又各以題為次如天文之雲雨陰晴地理之山川城郭不相參雜所收之詩幾九千首可云極博矣前有

聖祖仁皇帝御製序謂可流觀山川險易之形考鏡
往代留遺之蹟於昔人豳風無逸之圖有互
相發明者於此見

聖人之心鉅細一貫雖流覽藝詠而

志存觀省固非和鉛染翰之末所得仰窺矣向來纂
集繪事題詠者若孫紹遠之聲畫集范迂之
題畫詩李日華之竹嬾畫媵墨君題語等書
多或數帙少不過一二卷擬於是書奚啻燭

火之於曜靈哉乾隆四十二年八月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書薈要

御定歷代題畫詩類卷一目錄

天文類

觀慶雲圖

唐李行敏

觀慶雲圖

唐柳宗元

觀慶雲圖

唐闕名

詠郡齋壁畫片雲

唐岑參

題李士曹廳壁畫度雨雲歌

唐岑參

同李九士曹觀壁畫雲作唐高適

題春雲出谷圖金党懷英

春雲出谷橫披元劉因

閣立本西嶺春雲圖元鄧文原

閣立本西嶺春雲元吳鎮

題啓南萬壑春雲圖明吳寬

閣立本秋嶺歸雲圖元鄧文原

秋嶺歸雲圖元吳鎮

王晉卿萬壑秋雲圖 元吳鎮

叔明松壑秋雲圖 元吳鎮

王晉卿萬壑秋雲圖 元黃公望

江閣秋雲圖 明林鴻

書谷口雲深圖 明王恭

歸雲圖 明解縉

題飛霞圖 明劉崧

題赤城霞圖 明張羽

題李白泰山觀日出圖 元段輔

題華峰望日圖 明高棟

題錢舜舉畫曉日照羣山圖 明張羽

海月圖 元黃潛

江月圖 宋朱子

江月圖 宋崔鷗

題江月圖 明程嘉燧

題王翬吳溪月圖 元袁桷

宋理宗南樓風月橫披 元劉因二首

題半月芝蟾畫卷 元吳澄

明河秋夕圖 元劉因

觀孫太古周天二十八宿星君像圖 元吳萊

敬題皇姑魯國長公主所藏唐周昉畫金德星君

真形圖 元柳貫

許中正捕龍雷 宋文同

雷雨護嬰圖 元郭昇

雷雨護嬰圖 元王冕

雷雨護嬰圖 元俞希魯三首

雷雨護嬰圖 元楊樞

題風雨護嬰圖 元錢惟善

春風萬里圖 元王惲

題春林雨意圖 元謝應芳

題江村風雨圖 金元好古

江村風雨圖 金王萬鍾

山村風雨圖 金張建

風雨圖 元許衡

題趙幹江樓風雨圖 元許有壬

題風雨圖 元李祁

題秋山風雨圖 元郭鈺

虞勝伯江山風雨圖 元鄭元祐

董北苑溪山風雨圖 明吳寬

滿林風雨圖 明陸深

題溪山風雨圖 明王世懋

扇畫禁煙風雨圖 明李日華

蕭照春江煙雨圖 元戴表元

江貫道煙雨圖 元袁桷

題煙雨圖 元范梈

題春山煙雨 元貢性之

李咸熙夏山煙雨圖 元黃公望

題溪村煙雨圖 元鄭韶

平林煙雨圖 元舒頔

題米元暉湖山煙雨圖 元黃石翁

題溪山煙雨圖 元卞思義

題湖山煙雨 明劉基二首

應制題畫煙雨 明于慎行

題劉明府所藏秋江欲雨圖 宋陳造

關仝驟雨圖 宋劉克莊

題董高閑道士春龍行雨圖 元劉因

為王學士題米元章溪山驟雨橫幅 元吳鎮二首

溪山春雨圖 元卞思義

題茅叟夏山過雨圖 明高啓

春山欲雨圖 明王恭

瀟湘雨意圖 明熊直

題朱儀中雨圖 明李東陽

題杜東原先生雨景 明沈周

雨山圖 明顧璘

沈啓南春山欲雨圖歌

明王世貞

題沈啓南春山欲雨圖

明王世懋

戴文進溪山春雨圖

明陳鳳

夏雨新霽圖

明張羽

題水墨雲山雨意畫

明僧麟洲

題明辯之畫春江聽雨圖

明僧麟洲

題春山雨霽圖

明僧麟洲

[illegible]

欽定四庫全書薈要卷一萬九千二百九

集部

御定歷代題畫詩類卷一

天文類

觀慶雲圖

唐
李行敏

縑素傳休祉丹青狀慶雲
非煙凝漠漠似蓋乍紛紛
尚駐從龍意全舒捧日文
光因五色起影向九霄分
裂素觀嘉瑞披圖賀聖君
寧同窺汗漫方此覩氛氲

觀慶雲圖

唐
柳宗元

設色初成象卿雲示國都九天開祕祉百辟贊嘉謨抱
日依龍袞非煙近御爐高標連汗漫向望接虛無裂素
榮光發舒華瑞色敷恒將配堯德垂慶代河圖

觀慶雲圖

唐關名

五雲從表瑞藻繪宛成圖柯葉何時改丹青此不渝非
煙色尚麗似蓋狀應殊渥彩看猶在輕陰望已無方將
遇翠幄那羨起蒼梧欲識從龍處今逢聖合符

詠郡齋壁畫片雲

唐岑參

雲片何人畫塵侵粉色微未曾行雨去不見逐風歸只怪偏凝壁回看欲惹衣丹青忽借便移向帝鄉飛

題李士曹廳壁畫度雨雲歌

唐岑參

似出棟梁裏如和風雨飛掾曹有時不敢歸謂言雨過濕人衣

同李九士曹觀壁畫雲作

唐高適

始知帝鄉客能畫蒼梧雲秋天萬里一片色只疑飛盡猶氛氲

題春雲出谷圖

金
党懷英

春雲乍出山有無春色已去春山孤山光空濛不可寫
正要雲氣相縈紆山吞雲吐變明晦半與巖谷生朝晡
輕林蕭蕭暗溪樹餘影漠漠開樵居舟人艤棹並沙尾
坐看縹緲搖空虛巧分天趣出畫外韻遠不與丹青俱
今人重古不知畫但愛屋漏煙煤汙惜哉東坡不及見
此本詩中獨有疊嶂煙江圖

輕林蕭蕭一作輕陰霏霏

春雲出谷橫披

元
劉因

筆底天機幾許深
雲容直欲見無心
苦心只許時人會
不為題詩亦未尋

閣立本西嶺春雲圖

元 鄧文原

旅人陟春山
回互臨幽絕
馬首觸層雲
鳥鳴當三月
桃李爛
虛空松風吹
洞越高岑上
青蒼曲磴
負欹缺澗壑
瀉飛流煙靄
忽明滅
靈仙扣丹房
素女開瑤穴
鄉關在遐方
中情向誰說
忽聞上方鐘
午餐僧已設
閣子為此圖
翫之未能輟
恐為造化憎
隄備六丁掣

閣立本西嶺春雲

元 吳 鎮

西山高五臺縹緲出蓬萊春半花爭發宵征客倦來短
橋流曲水危壁覆蒼苔宣廟曾留賞臨風愧菲材

題啓南萬壑春雲圖

寫贈袁德純同年

明 吳 寬

袁卿高爽不可攀平生眼底無吳山肩輿偶度支硎嶺
俯視龍池纔破顏前山後山作屏几千步橫岡鋪翠被
向曉濃雲觸石生當春好雨從龍起吾鄉沈子今王維
筆端萬壑能移之圖成欲贈袁卿去却請我輩仍題詩

天台鴈蕩東南有卿昔好遊曾遍走縣齋晝靜對新圖
從此不須開戶牖

閭立本秋嶺歸雲圖

二首

元 鄧文原

貞觀從知畫有仙能將萬里尺圖間白雲掩映楓林好
遮却溪南無數山

盤紆逕路却何之中有居人未卜誰百丈飛泉雲外落
一林霜葉九秋時

秋嶺歸雲圖

元 吳鎮

卷一
峰色秋還好雲容晚更親
瀑泉落霄漢霜樹接居鄰
靜處耽奇尚消閒覓舊因
悠悠橋畔路終日少風塵

王晉卿萬壑秋雲圖

元吳鎮

衆山互迴繞芳叢滿蒼壁
野猿啼樹紅林鳥巢筠碧
雲來擁翠鬟泉瀉激古石
吟翁自拘拘行人走役役
歸舟向東去炊煙上空滅
前邨未掩門不知日將夕

叔明松壑秋雲圖

元吳鎮

萬壑濛迴磴道長崇岡交互轉
蒼蒼踈松過雨虛闌淨

古木回風曲岸涼
邨舍幾家門半啟
漁梁何處水流香
扁舟凝望雲千頃
不覺西林下夕陽

王晉卿萬壑秋雲圖

元黃公望

雨霽雲仍碧
天高氣且清
霜楓紅欲盡
澗瀑落長鳴
岫嶺蒼茫景
江湖浩蕩情
應知臥雲者
奚尚避秦名

江閣秋雲圖

明林鴻

山雲初斂夕
雲氣已歸壑
何以散冲襟
孤琴坐江閣
美人期不來
天寒楓葉落

書谷口雲深圖

明王恭

連峰轉幽邃
竟日白雲多
峽裏非人境
春深但女蘿
仙源空翠遠
香界斷鐘和
鸞鶴飄飄去
塵踪獨奈何

歸雲圖

明解縉

白雲如練繞南山
遙聽樵歌紫翠間
落日雲頭秋色晚
望中應見鶴飛還

題飛霞圖

為江煉師賦

明劉崧

海上羣峰映紫霞
五雲樓觀是仙家
誰吹玉笛春風起

千樹碧桃都作花

題赤城霞圖

送友歸天台

明張羽

結髮好名山遨遊遍吳楚東遊不到天台路長憶興公
賦中語赤城煥高霞翩然空中舉靈溪碧草春萋萋瀑
水和風響秋雨我欲振金策飄飄凌九垓遊神不死庭
迴光眺瓊臺手招丹丘人共臥石上苔紅顏去人不復
返老大求仙嗟已晚生今一去愁人心贈生赤城圖聽
我赤城吟勞勞亭下一杯酒離愁萬里生秋陰客車明

日當早發雲颿孤飛度東越國清寺前千尺松歲晚應歸
望山雪道逢寒山子為寄相思情未絕山人若欲知我
心五界峰頭看明月

題李白泰山觀日出圖

元段輔

岱宗鬱鬱天下雄謫仙落落人中龍茲山茲人乃相從
氣奪真宰愁豐隆玉堂一任雲霧封長嘯飛渡秦皇松
夜呼日出滄海東再為斯世開鴻濛鈞天帝君深九重
醉舞蹈碎青芙蓉天孫玉女為斂容却視五岳秋毫同

長鯨一去不復逢
乾坤萬里號秋蟲
當年咳唾留絕峰
至今樹石生春風
我欲追之杳無蹤
不意邂逅會此中
屋梁落月依然空

題華峰望日圖

明高棟

飛步青蓮花聳身
凌紫霞天雞弄海色
西掛三峰斜嚙嗽
太陽精逍遙金母家
長安日下影迴首
望京華

題錢舜舉畫曉日照羣山圖

明張羽

朝陽澄霽景
麗色散羣峰
明霞冠其顛
一金芙蓉煙

樹遠漸辨蒼翠知幾重幽谷俱光彩卉木生春容茅茨
住溪口桃源疑可通閑觀發佳興清賞趣何窮逝將登
日觀一覽披奇胷

海月圖

元黃潛

憶曾夜叩潮音洞海濶天高月正中坐對畫圖如夢寐
六街塵土晝濛濛

江月圖

宋朱子

江空秋月明夜久寒露滴扁舟何處歸吟嘯永佳夕

江月圖

宋 崔 鷗

冥冥一葉輕不知水與天獨於顛氣中仰見素壁圓超
然狂道士起視清夜闌自拈白玉笛吹此江月寒想當
萬籟息逸響流空煙我從江海來形留意先還何當買
魚蓬追此水墨仙

題江月圖

贈建昌
梅子庚

明 程嘉燧

弄月燕子磯江水明見底歸客中夜分櫓盡鐘灑迤至
今白玉光眼花時歛起醉吟秋鐘詩此圖聊借耳心開

恍月皎客好如酒美畫師隔前身習氣現彈指眉宇何
微茫兀傲乃似子坐客爭捋鬚此處不凡矣放筆亦自
笑一戲復爾爾平生淡蕩人饑餓僅免死樽罍遙可呼
鉶罌先見恥天公憐寂寞突兀來快士破垣行寶彝空
庖出乾肺歌仍落金石管欲迷宮徵不辭笑脫頤應防
怒切齒此語久欲吞憑君吐終始

題王眉叟溪月圖

元
袁
楠

水清不受觸月高不受浴空景兩相忘松風進虛谷之

人閱真靜引手還在目服之飛上天溪流淨如玉

宋理宗南樓風月橫披

二首

元劉因

試聽陰山勅勒歌朔風悲壯動山河南樓煙月無多景
緩步微吟奈爾何

物理興衰不可常每從氣韻見文章誰知萬古中天月
只辨南樓一夜涼

題半月芝蟾畫卷

元吳澄

紫芝偃蹇抱蟾蜍天下求之此景無看取初弦半規月

阿誰曉會寫成圖

明河秋夕圖

元劉因

明河澹澹縱復橫行雲悠悠度踈星鳳媒不來烏夜驚
瓊枝玉佩遲所託畫中隱隱聞機聲秋來秋去今猶古
此恨不隨天宇青崑崙西頭風浪平辦我一舟蓮葉輕
浩歌中流擊明月九原喚起嚴君平人間此水何時清
觀孫太古周天二十八宿星君像圖

元吳萊

大園杳何極，鰲柱屹不傾。日月光最耀，衆星莽縱橫。周
天二十八，錯絜各有名。荒哉審厥象，晃朗奪目睛。東垣
青龍崛西固，白虎獐翺飛。鳥隼狀偃伏，龜蛇精紫宮。自
然拱銀漢，無復聲五行。所經緯甘石，知性情上界足官
府。神人居穆清，韡赫逞幻怪。顙顙振鏗轟，跳踉鬼脚捷。
舐舐獸面頰，裳衣互裸襲。角鬣紛披髻，豈其太白變嬉
戲。類狎嚶或者，榮惑動威怒。流攬槍照臨，多芒角纏次。
在縮羸揣摩過，人料綵繪匪。世程伊誰駕，一氣得以導。

九坑想像陵倒景觀遊撫層城虛空何宮宇蒼莽孰節
旌毋寧秉筆際溘此埃風征凡夫本狹見四顧惟褰瀛
夜叉冰滋呀羅剎炎徼瞠鮫女買綃出狗夫銜筋爭祇
疑列宿質却混殊方岷山神對我博刻石華山陞海神
靳我畫浪卷滄海鯨天神詎可識萬古欺聾盲星占世
有職畫史吾奚評

敬題皇姑魯國長公主所藏唐周昉畫金德星君

真形圖

元
柳貫

星辰上羅天文章帝宮太紫巖中央長庚啟明左右當
西柄下揭斗口張浮空翕絕流光雲霧降精神杳茫
乘之無際運無旁中有顥氣隨飛揚潏然玉色含微陽
翠綃蒙袂鳴瓊璫手彈琵琶韻清商引聲按節秋思長
銀河經天浩湯湯跂而望之河無梁往來倏忽難為詳
但見初月如懸璜洛書五行著機祥始終德運推柔剛
云此太白牽其方義虧言失多淫傷神無異體智有常
我夢見之覺徬徨披圖駭目得未嘗粉墨形似爭毫芒

作者周昉傳自唐能品上上題明昌王家甲觀開畫堂
瑤華承宇藉以芳升穀潔漿祭於祊靈衣被被舞執豳
神保至止辰維良駕言為織天孫裳吾聞五曜持乾綱
龍騰虎拏互低昂星官執御調玄黃照燭九土窮八荒
東西咸池直扶桑下貫天畢晶煌煌煌煌之晶降為穰
物不疵癘民不殃千秋萬歲國乃昌

許中正捕龍雷

宋文同

彼龍胡為被天謫不肯為天行雨澤天敕雷公恣搜索

龍藏何所忽爾獲提之滿空若曳帛電風電火相卷射
雷張兩翅但拍拍首尾挽之足雙磔龍力與雷固不敵
雷轉威怒龍褫魄須臾定見肝胃拆萬力千氣凡幾畫
斯人斯品入神格

雷雨護嬰圖

元 郭 昇

轟雷欲破山急雨撼坤軸母兮抱兒歸掩耳趨茅屋畫
師巧為此邨景了在目一時似可驚四郊想霑足明朝
雨霽還復來平疇却看秧針綠

雷雨護嬰圖

元王勉

襁褓癡兒豈解驚與兒掩耳自忘生迅雷疾雨雖堪畏
不奪人間至愛情

雷雨護嬰圖

三首

元俞希魯

雷雨翻空咫尺迷褰裳攜幼欲何歸鄰家儻是魯男子
倉卒驚危未可依

凍雨欲來雲覆林一聲霹靂破玄陰英雄七箸有時失
何況人間兒女心

湏洞奔雷山欲摧山頭雲氣怒如炊紛紛掩耳驚將仆
正是希夷鼾睡時

雷雨護嬰圖

元楊樞

四山無人雲氣黑霹靂一聲風雨集山頭竹樹不自支
天末草亭撼將仄中途美人走匍匐抱子掩耳驚欲踣
短衣百結裹兩足慈母真情見顏色畫師經營妙莫測
寫此新圖意有得深閨婦事苟竭力何得倉惶蹊草側
題風雨護嬰圖

元錢惟善

焚香敬誦昔人詩如遇空山雷雨垂老婦護兒驚掩耳
欲歸無路覓茅茨

春風萬里圖

元王惲

人間塵土日紛拏流水空山半落花自是道心游物外
不須誇誕說流沙

題春林雨意圖

元謝應芳

前山後山雲氣濃欲雨不雨天無風記得去年初夏裏
此時船過潞湖東

題江邨風雨圖

金元好古

渡口舟橫水拍空，墨雲傾雨樹號風。
江山不到紅塵眼，半幅煙綃想像中。

江村風雨圖

金王萬鍾

秋風撼撼澹林暉，煙靄昏昏失翠微。
一段蓴鱸江上興，篷窗岑寂夢魂飛。

山村風雨圖

金張建

雨昏山店望未見，風緊傘簷張不開。
莫訝披圖便成句，

金夕日居卷一
為曾行到此中來

風雨圖

元許衡

南山已見霧昏昏便合潛身不出門直到半途風雨橫
倉惶何處覓前村

題趙幹江樓風雨圖

元許有壬

人間叢爾東南陬金陵李家無遠謀詞華欲繼後庭曲
不見東風空小樓當時百事尚纖麗況在畫工專末技
洪河喬嶽陡平生曲欄幽檻窮清致石頭城下無重關

夾馬營中有佳氣九天飛墜曹將軍盡卷版圖充上計
小兒造化吁可憐乾坤又到宣和年君王綵毫自塗抹
片紙落世人爭傳坐看南北又分裂遂使兩家同一天
偶從斷繡閱小景慨念興亡豈天定而今蕩蕩混一圖
但少儂歸理釣艇

題風雨圖

元李祁

山中老子百年餘前代衣冠只自如高閣捲簾無一事
滿天風雨坐看書

題秋山風雨圖

元郭鈺

平生最愛米家畫君之此圖妙天下鳥分歸路雲不開
樹壓懸崖雨如瀉倚江茅屋何人住蘆竹蕭蕭出無路
似我還山煙雨中愁來只讀秋陽賦

虞勝伯江山風雨圖

元鄭元祐

雍公之孫勝伯父落筆驚人意獨苦篆籀從衡寫風雨
平林遠岸舟橫浦想從出蜀看山多筆鋒森然如斲戈
春秋著成可奈何酒酣拔劍須君歌

董北苑溪山風雨圖

明 吳 寬

黑雲擁高山頃刻風雨至豁然海潮聲草木爭偃地曠
野少人行山僧獨歸寺衲衣盡沾濕敲戶何急事倉皇
村居民乘屋亦何亟一婢已抱甕一婦更持器重茅惜
被卷破屋家所寄戴笠者漁郎理網屈雙臂老翁若望
家擔物終不棄陸走尚甚危水行可無畏前溪波浪惡
篙折水流駛行者當早歸居者不預備良工為此圖三
歎有深意想見晚來晴雲淨山潑翠始信霎時間天公

金瓶梅詞話卷之十一
特相戲

滿林風雨圖

明陸深

山林何處無風雨不似人情翻覆間我有一區江上宅
幾回蓑笠夜深還

題溪山風雨圖

明王世懋

溪上波光澹欲秋空亭小艇日悠悠朝來忽著行雲色
添得潺湲萬壑流

扇畫禁煙風雨圖

明李日華

題煙雨圖

元 范 梈

似有江南布穀聲
亂流觸石野橋平
何由招得漁竿客
共上西峰看晚晴

題春山煙雨

元 貢性之

柳帶輕煙澹澹花含宿雨深深
魚樂新添曉漲鳥啼越
覺春陰

李咸熙夏山煙雨圖

元 黃公望

雨氣薰薰遠近峰
長林如沐晚煙濃
飛流遙落踈鐘斷

石徑何來駐短筇

題溪邨煙雨圖

元 郊 韶

山雨朝來不作泥
望中煙雨使人迷
依稀絕似羌邨路
無數春船逆上溪

平林煙雨圖

元 舒 頔

時人買畫千金傳
一片好景真天然
四時不用舒展看
翠嬌綠潤當窗前
春三漠漠護煖雨
秋九慘慘啼蒼煙
槎牙古怪雲霧暗
屈蟠偃蹇蛟龍纏
初見疑是李將軍

又似水墨王輞川米家無根與朦朧安得活動全吾天
明朝雨晴煙就斂便欲設榻林間眠請回谷口俗士駕
幸勿驚我雙胎仙

題米元暉湖山煙雨圖

有序

元

黃石翁

湖山煙雨圖初裝即作此詩久而未寫病後眊昏聊
試目力歲攝提格秋暮廬山黃石翁

江南舊物澄心紙百數十年誰得此揮毫無復老元章
付與承家大兒子展開素幅作湖山點染興入蒼煙間

偶然墨雲起，靄靄風雨偃。林生暮寒筆，端奮迅有疾急。
雨氣淋漓紙猶濕，世人藏畫尚精微。到此精微下，風立
流寓東南誰與鄰。傾懷付與李家親，忽因微駁論資格。
紙上數峰微笑人。

題溪山煙雨圖

元卞思義

西崦人家枕碧流，屋頭高樹近山頭。短蓑煙雨歸來晚，
滿地落花人倚樓。

題湖山煙雨 二首

明劉基

湖上青山煙雨寒湖中一棹欲歸難
白蘋自老東風裏腸斷黃昏獨倚闌

若邪溪上雨聲來秦望山前霧不開
欲渡鏡湖尋禹穴蒼藤翠木斷猿哀

應制題畫煙雨

明于慎行

瀟瀟一幅上秋氣滿楓林半似隨風引
全疑夾霧陰遠峰看處暝疎樹望來深
筆底煙雲色爭知用作霖

題劉明府所藏秋江欲雨圖

宋陳造

墨雲含雨江空濛島嶼細瑣連煙空我家茆屋菰葦叢
卷菴背笠隨漁翁展掩倍覺心神融緬想慘澹經營中
王孫玉面食肉相萬里山川入遐想當時官禁斷過逢
可得如儂逞江望江天漠漠那容畫渺莽風煙生筆下
鳬鴻滅沒波不搖霧墅霜林共瀟灑乃知絕藝神與通
盤礴傲睨窺化工市師日日江湖上幾人擅價能無窮
君家雙蓮冰玉質此畫與人俱第一固應緘鐫付牢收
俗眼紛紛莫輕出

關仝驟雨圖

宋 劉克莊

四山昏昏如潑墨行人對面不相覲
淒乎太陰布肅殺閤然混沌未開闢
千丈擎空蟄龍起一聲破柱春雷疾
我疑人間瓠子決或是天上銀河溢
異哉煙霏變態中山川墟市明歷歷
茅寮竹寺互掩映踈舂殘磬渺愁寂
叟提魚出寒裂面童叱牛歸泥沒膝
羊腸峻坂去天尺驢飢僕瘦行安適
林僧卸笠窘迴步海商拋碇憂形色
縱覽鯤鵬信奇偉戲看鳬雁亦蕭瑟
乃知畫妙與天通

模寫萬殊由寸筆大而海嶽既盡包細如鍼粟皆可識
向來關生何似人想見丘壑橫胃臆嗚呼使移此手為
文章豈不擅場稱巨擘

題董高閑道士春龍行雨圖

元劉因

清冷淵玉為竇呼吸銀丸起晴晝昂頭躍空朝紫京海
若蒼黃河伯走積靈為氣翻帝車坐今日觀生糝糊黃
雲離離覆下地神跡髣象今為圖

為王學士題米元章溪山驟雨橫幅

二首

元 吳 鎮

遠山蒼翠近山無此是江南六月圖一片雨聲知未罷
澗流百道下平湖

糝糊雲氣失巉巖雨脚拖來曲水灣記得西湖山閣上
半年長對虎兒山

溪山春雨圖

元 卞思義

野人結屋臨溪上溪上白雲生疊嶂城中車馬自紛紜
朝聽樵歌暮漁唱雲林輟轡春日低小橋流水行人稀

桃花落盡春何處風雨滿山啼竹雞

題茅叟夏山過雨圖

明 高 啓

前山冥冥雲欲開後山隱隱猶聞雷江南六月風雨過
樹暗不見巫陽臺奔湍衝斷石橋路下瀉谷口相喧豗
陰開林壑鬼神去氣濕古洞蛟龍回人家出門看新霽
泥封墜果多楊梅漁樵欲歸謂已暝返照石壁蟬鳴哀
山中此景誰解寫茅翁素有丹青才新圖一片似海嶽
高堂未展涼先來嗟余久逐揮汗客蓆帽障日趨黃埃

問翁幾欲東遊去如此畫圖安在哉

春山欲雨圖

明王恭

寂歷青山靜賞機野情那似宦情微
抱琴欲渡湘江去雲暗蒼梧雨色飛

瀟湘雨意圖

明熊直

萬竹叢深日未晡寒江煙雨翠模糊
東風無限瀟湘意獨倚篷窗聽鷓鴣

題朱儀中雨圖

明李東陽

菰叢蒼蒼集煙渚山頭濕雲半為雨垂蘿繞屋茅覆牆
石燕林鳩似相語桃花落盡梅子黃南北沔俱茫茫
黃泥道路白頭浪知是江南煙水鄉長安溽暑秋過半
雨濕書牀盡麤爛三年詩逋坐盈案拂君圖畫為君歎
閉門覓句無人催呼童卷送休徘徊君看白石最深處
紙背猶濕青莓苔

題杜東原先生雨景

明沈周

老原作畫墨法熟紙上沉沉潑濃綠重林濕葉欲墮地

合澗流淙似鳴玉廬山九疊翠不乾秋影平吞此長幅
借看真怕雨拂面要為時人洗雙目滕王珠簾正堪卷
董家破屋不可宿出門一笑青天高猶怪春泥汙吾足

雨山圖

明顧璘

雲崩雨翻盆千崖互吐吞歸人愁路窄切莫近黃昏

沈啓南春山欲雨圖歌

明王世貞

千山坐失千巖從似是帝遣雲君封巫鬟不辨青姁嬪
華掌難撲金芙蓉已應羲馭走驕日或有雷門呼蜃龍

天閭元氣漏不斷，倏忽絪縕二儀滿。
遠看隴樹春欲無，近即庭花暝差緩。
邛邛麥苗俱望幸，川川魚子希休澣。
欲雨不雨春山姿，欲吐未吐胃之竒。
指端已覺氣出沒，眼底尚鬱天淋漓。
丹青洗盡太素顯，髣髴乾坤垂闢時。
誰為展助虛堂色，恍有蛟螭蟠四壁。
摩娑紙素若未乾，矯首長空俄潑墨。
野夫抱膝一沉吟，襄陽耕雲雲正深。
亦知大旱為霖在，終是南山隱霧心。

題沈啓南春山欲雨圖

明 王世懋

春光噴薄橫塘渡，崿吳山不知數。誰將片墨著峰頭，
吹作氤氲萬山暮。擁樹猶疑隔嶺煙，飛花忽斷前溪路。
胥口行人畏若濡，隴頭新麥思如澍。此時元氣何淋漓，
欲雨不雨天為疑。兩儀坐失玄黃色，萬壑爭流蒼翠姿。
樓臺虛入蛟蜃散，屏嶂倒列芙蓉垂。不知雨後更何態，
最好春山是此時。何人此意成真賞，百年盤礴其人往。
陽春煙景留尺素，真宰蒼茫墮雙掌。鞭龍驅石事有無，
胡然令我心神爽。鉛華刊盡但墨汁，出匣看雲把猶濕。

雨師作使不得休
山鬼蘿深夜中泣
眉黛含顰鎖不開
更如神女怨陽臺
莫愁筆底風流盡
春半吳江棹裏來
戴文進溪山春雨圖

明
陳鳳

林間雀聲急
知有少女風
溪雲挾雨至
倏忽瀾春空
霏霏濕盡山
橋路行人衝
雨行喚渡
沾泥陟險亦何為
興來疑向若耶去
山環水遶路不分
絕逕乃有逃名人
貪看秀色卷簾坐
不覺嵐氣侵衣巾
林花落地半隨水流
向前溪猶未已
新水纔添勢正雄
客舟多繫垂楊裏
意

匠經營何太奇
空堂素壁迴含姿
恍然對此翻自訝
如在山邨看雨時

夏雨新霽圖

明張羽

看圖憶得住
山阿茅屋深深隱
薜蘿風雨過來啼
鳥靜白雲更比綠陰多

題水墨雲山雨意畫

明僧麟洲

雲壓樹頭兼雨氣
水流溪口夾秋聲
就巖著箇茅堂子
不必青山定有名

題明辯之畫春江聽雨圖

明僧麟洲

歸來雙鬢各蕭然見畫猶能記昔年
風雨一船曾泊處
借人燈火草堂前

題春山雨霽圖

明僧麟洲

絲絲煖雨歇春朝雲壓紅流落澗橋
欲覓桃花無路入
却聞風度玉人簫

御定歷代題畫詩類卷一



總校官庶吉士臣侍朝
校對官編修臣裴謙
騰錄監生臣劉昀

欽定四庫全書薈要

集部

御定歷代題畫詩類卷二

三

欽定四庫全書薈要

御定歷代題畫詩類卷二目錄

天文類

雪中樞密蔡諫議借示范寬雪景圖

宋文彥博

觀王氏雪圖

宋王安石

依韻和子駿雪山圖

宋文同

范寬雪中孤峰

宋文同

題寒光雪嶂圖

宋陳造

題溪橋雪月圖 宋陳造

題唐氏所藏崔白畫雪中山水 宋李綱

題叔問燕文貴雪景 宋程俱

雪景 宋陸游

題趙守中江行初雪圖 宋朱松

題朱銳冊雪景 宋楊后

許道寧羣峰莫雪 金趙之傑

江天莫雪圖 金梁仲新

趙士表山林莫雪圖

元元好問二首

吳山夜雪圖

元劉因

范寬雪山

元劉因

題江干初雪圖

元戴表元

范徽卿風雪和林圖

元王惲

灞陵風雪圖

元王惲

雪漲千山圖

元王惲

題雪景圖

元程鉅夫五首

題呂德常所藏雲西雪山小景 元黃玠

題朱銳雪景 元趙孟頫

題雪洲圖 元吳澄

春妍帶雪圖 元虞集

溪山積雪圖 元楊載

王右丞雪溪圖 元吳鎮二首

題喜里客廳雪山壁圖 元薩都拉

范寬雪山圖 元鮮于樞

題范寬小雪山圖 元鄭東

題雪景 元李祁

關河雪霽圖 元王冕

題溪山雪霽圖 元倪瓚

題雪山圖 元唐肅

題雪景山水 元陶宗儀

題雪汀圖 明劉基

雪山圖 明張羽

題雪景圖

明王褒

題李谷清雪景

明王佐

題崑崙雪曉圖

明劉炳

劉于京雪影圖

明鮮縉

雪景

明金幼孜

題夏珪風雪江邨圖

明王直

雪山圖

明陳昌

題朱太守山水畫雪夜景

明楊守趾

題便面雪景 明陳憲章

雪景畫 明劉泰

題沈石田雪景 明程敏政

題潘進士贈謝昌邑雪山圖 明徐禎卿

高克明溪山雪意圖 明吳寬

米南宮雪景 明吳寬

趙大年雪景 明吳寬

范寬雪山圖 明吳寬

世賢持啓南雪嶺圖索題復次韻明吳寬

題廣東陳氏雪景圖明費宏

夢中題同年董仲矩雪景明黃鑑

雪景圖明孫偉

雪景明沈周

題雪景明沈周

雪景山水明沈周

暑中題雪圖明沈周

雪巖圖

明廖道南

題徐宗浚雪景

明謝承舉

題雪景

明張鳳翼

應制題畫雪景

明于慎行

題雪景畫

明徐渭二首

江雪圖

明湯顯祖二首

題畫雪景

明程嘉燧

題孫山人山居夜雪圖

明陳繼儒

雪舟圖為王公擇作

明僧宗泐

雪晴圖

元程鉅夫

溪山雪霽圖

元吳師道

題李同部奇峰雪霽圖

明劉三吾

題平川雪霽圖

明劉崧

郭熙關山雪霽圖

明蘇伯衡

唐子畏臨李成羣峰霽雪圖

明王鏊

長江霽雪圖

明錢宰

關山雪霽圖

明凌雲翰

高克明溪山雪霽圖歌

明王世貞

書去春畫鍾陵霽雪

明程嘉燧

欽定四庫全書

卷二目錄

欽定四庫全書薈要卷一萬九千一百十

集部

御定歷代題畫詩類卷二

天文類

雪中樞密蔡諫議借示范寬雪景圖

宋

文彥博

梁園深雪裏更看范寬山迴出關荆上如游嵩少間雲
愁萬木老漁罷一蓑還此景堪延客擁爐傾小蠻

觀王氏雪圖

宋

王安石

崔嵬相映雪重重茅屋柴門在半峰想有幽人遺世事
獨臨青峭倚長松

依韻和子駿雪山圖

宋文同

一帶溪山六幅中其間雪意與雲容君應記得飛仙下
飈馭亭前此數峰

范寬雪中孤峰

宋文同

大雪灑天表孤峰入雲端何人向漁艇擁褐對巔岼

題寒光雪嶂圖

宋陳造

曉寒流覆絕壁君纔得想像間輸我一庵漁浦雪中真
看江山

題溪橋雪月圖

宋
陳造

雪野無人訪夜闌水壺絕景畫中看橋邊覺欠梅枝在
姑射嫦娥各耐寒

題唐氏所藏崔白畫雪中山水

宋
李綱

我昔曾為陽羨遊正直雪花大如掌開門恍訝天地白
雲湧羣山入書幌銅宮遠並玉峰寒罨畫暗流水片響

千巖萬壑爭出奇應接高低迷俯仰十年不到浙江西
寤寐勝遊勞夢想大梁崔白豈善幻斷取山川移異壤
當時眼界無盡觀都在一幅生綃上南山炎熱瘴癘地
使我翛然毛骨爽天光慘淡陰氣濃片片飛來散蒼莽
毫端造化成六出不比餘工得其髣連峰合沓波濤翻
負雪崔嵬幾千丈幽谷草木枝幹老巖曲樓臺簷角殿
溪頭水落正日出暮靄沉舟暗漁網山牆野壁茅屋深
風颺青帘如五兩買魚酌酒有誰子應有幽人坐同饗

平生愛雪喜山水對此乍覺神情恍明窗靜看久愈妍
似倩麻姑為爬癢一時名手真絕藝妙處工夫誰與賞
生前裘馬頗蕭條身後丹青空惆儻惠崇聲價亦相先
滕薛未知當孰長我家梁谿富溪山雪裏寒光含萬象
每同子猷乘小艇不數王恭披素氅故山猿鶴會相思
感物興懷增勇往時平事定歸去來安得飛翰出塵鞅

題叔問燕文貴雪景

宋程俱

一壑回環十二峰茅茨送老白雲封如今塵裏看圖畫

却愧當年邴曼容

雪景

宋 陸游

溪上望前峰嶢嶢千仞玉
渾舍喜翁歸地爐煨芋熟

題趙守中江行初雪圖

宋 朱松

江濶雲垂滿袖風急須下馬
一尊同正應無奈催詩雪
句在渠儂擁鼻中

題朱銳冊雪景

宋 楊后

雪吹醉面不知寒
信脚千山與萬山
天甃瓊階三十里

更飛柳絮與君看

許道寧羣峰莫雪

金趙之傑

道士平生林野人
醉中拈出雪峰真
為君療却煙霞癖
比似青囊藥更神

江天莫雪圖

金梁仲新

南雪不到地
霏霏滿竹樓
沙河燈市裏
春在木繇裘

趙士表山林莫雪圖

為高良卿賦二首

元元好問

颼颼林響四山風
雪後人家閉戶中
應被火爐頭上說

水邊清殺兩詩翁

黃塵遮斷山間夢白髮重尋畫裏詩好似玉溪溪上路
醉和王老喚船時

吳山夜雪圖

元
劉因

江南無寒歲一雪今幾時吳山豈無春畫此寒巖姿壯
哉萬里流不廢東南馳胸中漫長風俯仰今古非誰能
唱小海為和大江詞

范寬雪山

元
劉因

老寬胸次無墨汁經營慘澹寒生鬚秦川名山古壯哉
况復玉立千尺孤安得晨光滿東壁試看龍燭崑崙墟
赤塵瀕洞天為爐一丘一壑真吾廬眼中人物誰冰壺
還有魚兒上釣來

題江干初雪圖

元
戴表元

范徽卿風雪和林圖

元
王惲

天策桓桓控上游邊庭都付晉藩籌河山衣帶連中夏

風雪洪濛成北樓笑著奇謀收藥籠未妨民賦課甌婁
丈夫志在飛而食不讓班超定遠侯

灞陵風雪圖

元王惲

詩瘦清於飯顆山蹇驢馱入畫圖間姓名得掛金鑾月
風雪長途是等閒

雪漲千山圖

元王惲

六合雲同雪自寬千山都變玉孱顏限量不似年來雨
多處淋淫儉處慳

題雪景圖

五首

元 程鉅夫

竹所每徑造雪溪俄夜遊人生適意耳何去復何留
家近長安市居然靜勝喧為言賢令尹不為雪關門
布被冷於冰紙窗明似月推枕理殘書未肯甘汨沒
天地玉清境郊原瑤樹林無邊詩興在只向灞橋尋
介矣閔仲叔高哉井大椿夫君見何晚大雪不干人

題呂德常所藏雲西雪山小景

元 黃 玠

前岡蘄如削後巘旋若顧溪寒崢嶸晚雪沒剡中路將

無乘興人過彼幽棲處應待月華生却棹扁舟去

題朱銳雪景

元 趙孟頫

塵埃困人恒作惡開卷驚看雪滿樓安得眼前有此屋
仍呼陶謝與同遊

題雪洲圖

元 吳澄

向來洲上雪漫漫僵倒詩人一屋寒洲上雪消人亦徙
畫圖猶作雪中看

春妍帶雪圖

元 虞集

玉茗深宮裏春妍帶雪殘可憐五色羽相並不知寒

溪山積雪圖

元 楊 載

大雪歸溪山長林晝冥宵槎橋跨絕岸遠望行客少買
魚酤新酒獨酌竟昏曉似此非他人高士戴安道

王右丞雪溪圖

二首

元 吳 鎮

曉徑沾衣濕登臺試屐危乾坤增壯觀江海得深期歷
亂瑤華吐紛披玉樹枝精微誰與並顧陸頗相宜

碧樹擁江扉朱簾捲翠微崇朝無客過傍晚有漁歸嶺

耀梅重白隄紫絮正飛若留清夜賞鉛粉更光輝

題喜里客廳雪山壁圖

元
薩都拉

一年在京口雪片深冬大如手獨騎瘦馬入誰家四面
雲山如甕牖大江東去流無聲金焦二山如水晶瓜州
江口人不渡時有蓑笠漁舟橫一年在建業臘月楊花
滿城雪五更凍合石頭城霜風鼓寒氷柱裂秦淮酒樓
高十層鍾山對面如銀屏鷺洲不見二水白天外失却
三山青一年在鎮陽燕山積雪飛太行滹沱氷合斷人

跡井陘路失迷羊腸長空萬里絕飛鳥捲地朔風吹馬
倒孤裘公子獵城南茅店酒帘懸樹杪今年入閩關馬
蹄出沒千萬山瘴雲朝暮氣靄靄石泉日夜聲潺潺雪
花半落不到地但見晴空湧流翠海頭鼓角動邊城木
末樓臺出僧寺何人蹇驢踏軟沙出門無處不梅花江
潮入市海船集水暖遊魚不用叉良工寫出雪山壁過
眼令人憶南北玉京銀闕五雲端待漏何年鳳池側

范寬雪山圖

元
鮮于樞

前山積雪深隱約形體具後山雪不到槎牙頭角露遠
近復有千萬山一一倚空含太素懸厓斷溜冰滿壑野
店閉門風倒樹店前二客欲安往一尚稍前一迴步仲
冬胡為開此圖寒氣滿堂風景暮荆關以後世有人幾
人能寫山水真李郭惜墨固自好晻靄但若浮空雲豈
如寬也老筆奪造化蒼頑萬仞手可捫匡廬彭蠡鴈蕩
窮海垠江南山水固瀟灑敢與高高泰華爭雄尊寬也
生長嵩華間下視庸史如埃塵亂離何處得此本張侯

好事輕千緡我家汴水湄境與嵩華鄰平生亦有山水癖愛而不見今十春他日思歸不可遏杖藜載酒來敲門

題范寬小雪山圖

元鄭東

雪壓寒林萬木垂經旬不與野人期蹇驢借得如黃犢猶怕山橋不敢騎

題雪景

元李祁

瓊林瑤樹擁樓臺戶牖臨風晚自開一鳥不飛人跡斷

扁舟何處獨歸來

關河雪霽圖

為金陵王
與道題

元王冕

飛沙羃人風墮幘老夫倦作關河客歸來松下結草廬
臥聽寒流雪山白悠悠如此四十年世情脫略忘間關
今晨見畫忽自省平地咫尺行山川鳥道連雲出天險
玉樹瓊林光閃閃陰崖絕壑望欲迷冰花歷落風悽慘
枯槎側倒銀河開三巴春色隨人來漁翁舟子相笑語
不覺已過洪濤堆谿回浦漱石齒齒谿上人家成草市

長林大谷猿鳥稀，小步蹇驢如凍蟻。
西望太白日色寒，青天削出蛾眉山。
人生適意隨所寓，底須歷涉窮躋攀。
明朝覽鏡成白首，春色又歸江上柳。
何如高堂挂此圖，浩歌且醉金陵酒。

題溪山雪霽圖

贈張以中

元倪瓚

水影山容黯淡雲，林細篠蕭疎誰見。
重居寺裏雪晴沙，際吟餘。

題雪山圖

元唐肅

銀河鉸冰勞織女夜冷機空不成杼散作人間萬玉塵
一夜九州無尺土烹汞成銀鑄山嶽百鳥不飛惟鵲
天邊歷歷種白榆誰斲靈根陟巖壑封書乞借麻姑鵬
飛到蓬丘羣玉層戲傍瓊巖拾瑤草下窺滄溟一杯小
題雪景山水

元
陶宗儀

碎翦銀河片片零芙蓉開徧玉陵嶒八牕洞啓虛生白
好似蓬婆最上層

題雪汀圖

明
劉基

天迷迷地茫茫雲垂日白江水黃
跋烏凍縮龍走藏雪
花如月開樽桑彼何人斯一葉航
手持釣竿詠滄浪詠
滄浪倚逍遙天風吹入瑤池去
青女素娥應見招

雪山圖

明張羽

山氣寂已晦川寒斂如夕沈沈綠樹多
隱隱千峰出碧
嶺靄煙華寒泉散石脈高閣出林端
古逕稀人迹翫圖
心已澄對景情逾適感彼巖棲人
終朝自幽寂

題雪景圖

明王褒

高閣凝雲閉虛牕帶雪開鳥寒空辨鷺樹暝總疑梅遣
興惟詩句銜情祇酒杯遙知函丈下已遣二生回

題李谷清雪景

明王佐

梁園飛雪玉繽紛坐列金貂酒半醺借問當時誰授簡
相如詞賦最凌雲

題崑崙雪曉圖

明劉炳

自有宇宙便有此山六丁智力憚疏鑿一氣神秀鍾巔
屹九龍上蟠日月麗六鼇下鎮滄溟寒西母雙鳬遠莫

至周王八駿遙難攀萬仞皚皚太古雪大明中開爛銀
闕玉京瑤圃恍瀛洲一洗胸中煩惱熱自非砥柱障狂
瀾大地蒼生混魚鼈摩娑此圖雙眼開令我胸次生崔
嵬安於磐石奠四海長歌萬里大風來

劉于京雪影圖

明解縉

連宵苦雪結成冰誰翦鵝毛蓋地瓊白鶴立時惟見影
鷺鷥飛處只聞聲山林樹木銀妝裹殿閣樓臺粉砌成
不信與君高處望只看流水一條青

雪景

明 金幼孜

積雪沒深戶溪山絕行迹鳥棲迷故林泉聲斷餘滴中
有映書人宴坐忘朝夕

題夏珪風雪江邨圖

明 王直

江天漫漫雲氣黑江風蕭蕭雪花白荒村古道人跡稀
惆悵津頭遠行客黃蘆低折沙草平遙望不見長安城
蹇驢凌兢縮如蝟鞭驅還欲西南征四山溟濛日應晚
辛苦羸僮未遑飯深林歸鳥棲已定茅屋人家去猶遠

吁嗟乎夏珪之筆凌范寬滿堂凜凜生畫寒卷簾看罷
重歎息歲晏高歌行路難

雪山圖

明 陳 昌

萬壑千巖凍不開瓊樓玉宇似天台黃精香冷無尋處
誤却劉郎採藥來

題朱太守山水畫雪夜景

明 楊守陞

山色初晴月蘸川乾坤一色浩無邊不應清景無人見
繫岸初回訪戴船

題便面雪景

明 陳憲章

江天風雪裏宴坐一舟孤豈不虞寒色冰心在玉壺

雪景畫

明 劉泰

高堂怪底寒侵骨遠山近山銀突兀細挑松火靜中聽
蠶葉蟹沙聲髣髴水邊老屋伊誰家爨煙幾縷隨風斜
出門一白已無地蹇驢何處尋梅花

題沈石田雪景

明 程敏政

踏雪何人過長板萬玉峯高磴聲遠山中隨處可登臨

麥好何憂歲華晚僧舍茶煙青出林雲垂四野天沉沉
憑誰坐我水亭上呵凍先成喜雪吟

題潘進士贈謝昌邑雪山圖

明 徐禎卿

誰為咫尺勢宛如觀九疑狂風吹白雪片片落天池雲
氣遶半壁煙光昏四維髣髴湘君廟如聞猿狖悲颯沓
凌冬樹點綴有餘姿楚客善毫素游宴人未知北窗遇
陶令大醉雪寒時凍灑丹青筆長歌歸去辭他日看圖
畫難忘剡水思

高克明溪山雪意圖

明 吳寬

赤脚真人龍鳳姿俯視藝苑時游嬉良工待詔金門裏
高生前身應畫師含毫吮墨立良久自言臣是唐王維
平生胸中無一物獨有山水能容之郭熙成名乃新進
范寬得意纔並馳丹青競巧稱院體後來不比宣和時
密竹千岡松萬壑蒼翠峯巒白湖灤岸傍桂楫何處移
礪曲茅堂是誰縛行人暮歸天漠漠遙望前村愁雪落
船頭一老獨閒暇詩思分明入寥廓劉侯朝回過燕市

亦復愛畫入骨髓偶從太僕得此圖每一開之心輒喜
天全僊翁惜題字評品數行而已矣翁今已逝侯亦亡
兩洞庭荒渺湖水石田多才從後起況有佳兒好文事
只今此物欣有託賦詩獨愧前人耳宋社久已屋宋畫
如有神劉侯地下勿長歎楚弓得失皆吾人

米南宮雪景

為陸全
卿題

明
吳寬

北固山前江水清長供此老濯冠纓焚香寶晉齋中坐
江山寫入毫端輕此老胸中有奇氣不與衆史間爭名

脩然一種自機軸驚倒范寬并李成昔者吾嘗閱畫史
真蹟人間嗟見此卧遊佳境不逢人但覺寒光浮槩几
古樹枝摧瞰急湍雪嶺更從人面起全卿藏此凡兩幅
持一贈我分片玉曾是平生好潔人挂處休將手頻觸

趙大年雪景

為李賓
之題

明 吳 寬

故縑斷裂如刻鏤上有雪圖世稀有墨痕隱隱題名存
熟視始知元祐手疊嶂崇巖失翠微高原淡淡留斜暉
歲云暮矣北風急樵舍漁莊俱掩扉疎林寂歷寒雅迈

意中不覺西涯遠海子橋西柳巷深歇馬何時步魚堰

范寬雪山圖

明 吳寬

華原范生性落魄太嶽終南雙草屨酒酣握筆發天真
無奈胸中飽丘壑開門仰望青嵯峨誰遣紛紛雪花落
前峯後嶺失峻嶒何處移來卞玉璞良工袖手琢不能
此語分明非善謔長溪一夜冰梁成山足潺潺垂短瀑
風回木落岡巒空遙向林端見高閣興來便欲扶筇行
去倚危闌招獨鶴人間此景却輸吾寒士多年甘寂寞

世賢持啓南雪嶺圖索題復次韻

明

吳寬

小徑升堂新築沙退朝無事還私衙誰移雪嶺入我屋
老眼白日疑昏花坐游未覺足方倦修過野店仍山家
淺溪舟膠集凍鴨空谷屢響翔飢鴉狂風入林一攪動
零落玉蕊兼肥葩此時誰埽林下白急欲徃煮僧房茶
忽然仰面見高寺扣戶還須持馬撾長安十年走薄宦
對此似將塵土爬西湖尋僧天欲雪蘇子故事令人嗟
清虛舊韻更可惜捧硯獨無王子霞

題廣東陳氏雪景圖

明費宏

生綃一幅中堂垂眼前雪景何清奇懸崖絕壁光彩發
老樹幻出瓊瑤枝雲際柴門半欲掩似是白日將西時
披氊戴笠者誰子衝泥傍險相追隨一人前行仰關進
蹇驢失脚雙撐持僕夫荷杖藥瓢舉以袖護頂行遲遲
一人騎馬過橋去橋危溪惡馬力疲二人騎驢各袖手
聳肩覓句寒如癡鬚髻指關向翁語須慎險峻毋遨嬉
中有一人跨牛背牛行不動如舟移最後二人從二奚

青驪白馬光陸離囊中琴絃凍且折志在山水誰相知
吾聞嶺南天氣煖羣龙見雪嗥如馳從來此景不易得
固知畫者勞心思坐令炎瘴盡消息清氣散入詩人脾

夢中題同年董仲矩雪景

明黃鎬

鵝餐水面霜人望天邊月水月一般清前山掛晴雪

雪景圖

明孫偉

天風夜撼玻璃國四面沉沉元氣黑荒林野屋曙雞遠
世界江山盡瑤色山翁倚檻立蒼茫一鳥不鳴山外村

冷光十里斷人跡
玉樹皜皜橫山門
溪寒沙淺水煙殢
仙姝犯曉停風馭
雪中忽憶清泠橋
詩逋老去憑誰寄

雪景

明沈周

礙簷玉樹排雲立
接屋遙峯拔地生
忍凍從來有詩骨
開門一笑萬山明

題雪景

明沈周

一白千山合
清光照膽寒
小橋沽酒少
步步玉痕乾

雪景山水

明沈周

眼中飛雪作奇觀江山一夜皆玉換前崗坡陀帶複嶺
小約凌競連斷岸水邊疎柳似華髮忽有微風與飄霰
紺宮幾簇林影分白鷗一箇江光亂老漁蓑笠祇自苦
冰拂凍鬚莖欲斷江空天遠迴幽踪只有一竿聊作伴
此時此景此誰領亦笑此漁從我翫圖成一笑寒戰腕
萬里江山在吾案

暑中題雪圖

明沈周

六月添衣喚僮子自畫雪圖茅屋裏玉花出筆飛上樹

慘澹陰山無乃是先生放筆還自笑顛倒炎涼聊戲耳
門前有客來借看滿眼黃塵汗如雨

雪巖圖

為楊
簿題

明
廖道南

雪崖之峯紛皎潔雪崖之景真清絕玄圃凝空糝玉塵
遙林積霰飛瓊屑巖中主人真好奇環堵蕭然雪映帷
翠竹交加棲鳳羽蒼松夭矯縮虬枝竭來辰陽向蓴水
回首千峯萬峯紫誰圖瑞應懸高齋清白傳家從此始

題徐宗浚雪景

永福玲玉
中所藏

明
謝承舉

瑤師放叅開左堂徐熙忽作遊戲場手披七尺溪藤光
幻出乾坤銀粉妝觸暑一見心清涼畫翁鶴氅著穿屨
仄踏山南雪天暮九折坡陀列瑤路四匝寒林挺瓊樹
來與師評惠連賦

題雪景

明
張鳳翼

踏雪訪招提衝寒策杖雖無剡溪棹應有灞橋詩

應制題畫雪景

明
于慎行

輕綃寒色動不是月華開鳥道千巖迴江光一徑迴虛

無分玉樹鬢髟想瑤臺未擬歌黃竹陽春徧九垓

題雪景畫

明徐渭

幽人凭水檻釣者挈魚投况對千山雪而無一客留臘
酒此時熟老夫終歲憂壺公能醉我跳入畫中休

雪景

明徐渭

此際山陰道啼惟有莫鴉萬山無寸碧何處認梅花

江雪圖

送李象史還
軒二首

明湯顯祖

落日河橋歸鴈呼淥尊清淺映麻姑還邀曉月冰壺句

來看寒江雪棹圖

去別章門夜泊船雪窗高枕對窮年
朝看雪意成霞色知是圖書氣燭天

題畫雪景

送照師歸黃
山碣石居

明
程嘉燧

蓮花峰腰三丈雪飛鳥無聲人迹絕
山僧冒寒晨出山觸踏層冰跣裂遠
來問疾剛一笑寒缸結花如吐屑
紙窗竹屋歲聿除駒隙光陰催電掣
故人遊山恨不俱愁我無緣上巖
葉八十衰翁老無力賈勇扳躋強
得得

前推後挽賴照師環肘牽裾抱腰褌穿巖渡壑捫确磴
十步回頭五步息忽然坐我天門間自怪憑空生羽翼
此時日下千崖赤相去牛鳴望碣石崖松龍拏互相引
林石人形如欲抹菴前矮垣齊及肩道上清泉纔沒跣
仰頭天都五千仞俯瞰蓮溝十萬尺童童簷松樹羽蓋
冪冪楓林排畫壁廿年茅齋落夢境方丈香厨共禪席
牀下地爐火長活龕裏燈明磬方寂八月山寒苦風雨
有客夜投同軟語山芋煨來手自剝秋芽焙出還親煮

老人擁衾日僵卧小師蓮經晨夕課開門忽報下方晴
喑喑空中靈鵲過

題孫山人山居夜雪圖

明 陳繼儒

一夜雪花幾十丈小者如絮大如掌環戶春蟲蟄不鳴
狐狸夜宿枯枝響先生高卧懶干人隱几篝燈披鶴氅
梅花帶月貯膽瓶提麈攤書自俯仰此人疑是於陵君
如何掇入圖中像秋暑灼予對此人清風穆如雪莽莽

雪舟圖為王公擇作

明 僧宗泐

小船載雪月明裏一色溪山夜如水巖前哀猿噤無聲
沙上眠鷗驚不起引觴擊楫歌調清到門興盡非無情
丹青豈必圖千載王氏風流今尚在

雪晴圖

元 程鉅夫

沙際風迴雪乍晴偶然雙鴈下青冥山禽共嚮木居士
不見靈芝一朶生

溪山雪霽圖

元 吳師道

橋東驅驢滑灘漸理棹難何如閉門者不識風雪寒

題李同部奇峯雪霽圖

明 劉三吾

道人胸次無塵滓，貌得巨然山水真。
日照露華金沆瀣，雪消山骨玉嶙峋。
玗琪晃射瑤臺白，芝朮長留玄圃春。
一陣天香何處到，上清樓閣禮星辰。

題平川雪霽圖

為張用可縣丞賦

明 劉崧

南天北風暗吹雪，川上遥峯互明滅。
雲陰欲墮曉光迷，河流不動層冰結。
魚龍下蟄深澤冷，鴻鴈啼饑眼流血。
千村萬落連蒼莽，驚沙枯樹相淒切。
行人稍出皴手足。

悵望林居總愁絕我家邈在武山東屋前石岸多青楓
野橋渡溪沙路遠皆與此圖風景同窮年念此政欲返
寒色恍入虛庭中長鑱劇藥崖谷滑短褐負薪環堵空
閉門且爾暫投息會見日出光曨曨

郭熙關山雪霽圖

明
蘇伯衡

昔我北遊月在稽兼旬犯雪度雄霸千里萬里皆瑤琨
高迷邱垤低迷罅朔風烈烈塵不驚中野蕭條但桑柘
僕夫股慄面削爪身上破褐纔掩骼長途日暮行不前

回顧堪憐那忍罵前車既斷後車絕停驂獨宿道旁舍
牀頭土銼鬱生薪村酒沽來敢論價卧聽捩馬齒枯荻
展轉無眠疑不夜忽然朝光入甕牖主僕瞥見互驚訝
攬衣匆匆便蓐食如此晴明喜天借可辭赴暖即前程
翦拂蹇驢還自跨蘆溝凍合匹練橫徑度不用修梁架
西山馬首遙相迎拔起人言似嵩華瓊樓玉宇忽照眼
行行已到南關下時清關吏殊可人不復誰何乃邀迓
過關使客多於簇或挽柴車或高駕閑情我正繞剡溪

吟思誰歟似清灞道逢軒蓋何其都駿馬雕鞍蒙錦帕
銀盆熾炭蠟光燃面面幰帷行酒肉徒御繽紛意氣麗
錯金釵具青絲靶行人不解說姓名但說無非國姻婭
狐裘貂帽詎知寒馳驅爭入柳林射當時有意欲賦之
計吏相煎嗟不暇鶯花窈窕江南春風景依依在圖畫

唐子畏臨李成羣峰霽雪圖

明王鏊

吾聞西域之西雪山高六月積雪猶不消今之畫圖無
乃是是何山勢洶湧如波濤大山崔嵬小山聳萬壑千

巖光欲動營丘化去五百年遺踪一見人皆竦亦如胸
次蟠輪困戲梭碎玉散作千嶙峋一重一掩分向背營
丘似是君前身隆樓傑閣爭相向美人正醉銷金帳豈
知洛陽城中僵卧者門外無人雪一丈

長江霽雪圖

明 錢 宰

昔年壯遊下江漢霽雪千峰排兩岸今年看畫憶舊游
萬里江山入清翫岷峨岡脊來蜿蜒青城一峯高插天
東馳衡山走千里匡廬五老下與石城北固遙相連冰

巖雪壑互起伏照見日華破初旭神光混茫元氣浮奮
如巨鼇簸坤軸爛如秋空雲浩如滄海濤又如瑤臺銀
闕天上頭皎皎白月空秋毫回光下照中流水風吹河
漢銀雲起中流空濶不勝寒一洗丹碧秋漫漫山川歷
歷真偉觀來往十年游未半不如雲羸樓上來倚欄一
日看遍江南山

關山雪霽圖

明
凌雲翰

前峰後峯雪模糊東村西村春有無快雪時晴入佳想

况復見此關山圖關山迢遞相聯屬玉潔珠光眩人目
扶桑飛上金畢逋暗水流漸度空谷野橋行過路三义
青旗插簷沽酒家驅驢倦客得少憩悵望遠道還咨嗟
詩翁好事常起早天寒祇恐梅花老柴門時有故人来
階下白雲須用埽此圖一日落塵寰筆法依稀荆與關
人生遠遊固云樂何似在家常看山我本識字耕夫耳
占祥便作豐年喜田園歸隱會有時麥飯飽餐茅屋底

高克明溪山雪霽圖歌

明
王世貞

丹青筆長意苦短帝遣營丘寫清遠范寬老死克明在
與乞天公舊時腕三絕親教聖人贊七尺不飽侏儒飯
玉堂供奉寒歲蕤瑤花片片墮瑤池朝回小閣晝拄笏
却憶溪山初霽時羲和鞭輪逐滕六飄瞥嵯峨壓茅屋
擺脫千枝萬枝白洗出三峯五峯綠陰崖猶冒太古絮
陽壑爭傾片時玉枯槎頂禿瘦骨愁小艇不蔽風颼颼
長年袖手喚不起疑是興闌王子猷狐帽蒙頭看山坐
檣拙煨鑪酒權大縱無灞陵驢背詩肯作長安被中餓

乾坤烏奕揚清輝萬象賈勇精神飛興來毛穎縱橫出
一點一綴皆天機欲知真宰愁絕處此翁盤礴初解衣
吾家愛弟饒畫癖購得圖看三歎息毋論骨格超馬夏
勝代何人辦焦墨虛堂把翫六月寒指端秀色來眉端
便欲移家此中住徧踏瓊瑤天地殘

書去春畫鐘陵霽雪

明程嘉燧

帝城燈罷雪嵯峨二月風光峭未和馳道殘雲猶駭馬
龍池新柳已如鵝蔣山出霧春羅薄秦水含星曉鏡多

日暮歌鐘何處發五侯門館夜經過

御定歷代題畫詩類卷二